

REGLUGERÐ

um gerð íláta, merkingu og varnaðarmerki varðandi sölu og varðveislu eiturefna.

1. gr.

Gildissvið og afgreiðsla.

Eiturefni teljast efni þau, sem greind eru á listum I og II í 1. gr. gildandi reglugerðar um flokkun eiturefna og hættulegra efna nr. 445/1978, ásamt síðari breytingum og viðaukum.

Eiturefni mega þeir einir láta úti og selja, er ræðir í 1.—5. tölulið 1. mgr. 5. gr. laga um eiturefni og hættuleg efni nr. 85/1968, sbr. einnig 7. og 8. gr. laganna. Nánari fyrirmæli um sölu og afhendingu eiturefna eru í reglugerð um útgáfu og afgreiðslu eiturbeiðna og annarra tilsvarandi leyfa nr. 131/1971.

Óheimilt er að tollafgreiða eiturefni, sem talin eru á lista I og II sbr. 1. mgr. nema innflytjandi leggi fram við tollafgreiðslu vörureikning, sem Lyfjaeftirlit ríkisins hefur samþykkt til innflutnings, sbr. ákvæði 4. gr. reglugerðar nr. 455/1975 um eftirlit með framkvæmd ákvæða laga um eiturefni og hættuleg efni nr. 85/1968, með síðari breytingum.

2. gr.

Sameiginleg ákvæði.

Ílát skulu vera þétt og vel lukt þannig, að eiturefni vinni ekki á þeim eða berist frá þeim og verði að tjóni eða mengi umhverfið. Varast ber að geyma ílát með eiturefnum þannig, að á þeim verði villst og ílátum undir matvæli, lyf, snyrtiefni eða annað, sbr. einnig ákvæði 9. gr. laga nr. 85/1968 um eiturefni og hættuleg efni.

Leitast skal við að selja og varðveita eiturefni í upphaflegum ílátum framleiðanda.

Ef tiltekin eiturefni eru talin sérstaklega viðsjárverð, er heimilt að hafa ílát með slíkum efnum í sérstökum öryggisumbúðum.

Á ílátum undir eiturefni skal auk nafns framleiðanda (seljanda) greina heiti efnis og styrkt í hundraðshlutum eða mólstyrkt, ef við á. Upplýsingar þessar skulu vera á sérstökum merkimiða, sem er tryggilega festur á ílát eða öryggisumbúðir undir eiturefni eða greypar í ílátin. Texti upplýsinga þessara skal vera með greinilegu letri svo og texti notkunarfyrirsagna eða annarra leiðbeininga, er framleiðandi (seljandi) telur að vera eigi á ílátunum.

Stórir bókstafir, er greinir við einstök efni að neðan (sjá 3. og 4. gr.), eiga við varnaðarmerki, sbr. viðauka 1. Setja skal varnaðarmerki á ílát undir einstök efni, svo sem bókstafir þessir gefa til kynna. Varnaðarmerki skulu vera tryggilega fest á ílát og vera hæfilega stór í hlutfalli við stærð íláta. Ef ílát er stærra en sem nemur 25 l að rúmmáli, skal festa varnaðarmerki á a. m. k. tvo mismunandi staði, t. d. á báða botna, ef um tunnur er að ræða.

Ef eiturefni eru framleidd og ílát merkt samkvæmt tilskipun Efnahagsbandalags Evrópu (67/548 EEC) 27.6. 1967, með breytingum og viðaukum, og varðveitt eða seld í upphaflegum ílátum framleiðanda, skal einungis festa á ílátin hið fyrsttalda varnaðarmerki, er greinir við einstök efni að neðan. Ef um önnur eiturefni er að ræða í upphaflegum ílátum framleiðanda, er standast kröfur Efnahagsbandalagsins, skal innflytjandi (seljandi) leita álits eiturefnanefndar á því, hver þeirra varnaðarmerkja, er greinir í viðauka 1, eigi við.

Ef innflytjandi (seljandi) rýfur upphafleg ílát framleiðanda og setur eiturefni í önnur ílát, ber hann ábyrgð á því, að þau ílát séu jafngóð hinum upphaflegu. Skal merkimiði í slíku tilviki vera gulur.

Ef eiturefni eru seld í öðrum ílátum en hinum upphaflegu, skulu þær upplýsingar, er greinir á merkimiða, sbr. 4. mgr. að framan, vera á íslensku. Varnaðarmerki skulu enn fremur vera svo sem greinir við einstök efni að neðan. Ef um er að ræða önnur eiturefni

en þar eru talin, skal innflytjandi (seljandi) leita álits eiturefnanefndar um það, hver varnaðarmerki, sem talin eru í viðauka 1, eigi við.

Ef ílát hafa að geyma varning eða efnablöndur, sem í eru eiturefni, er bæði eru talin á listum I og II, skulu varnaðarmerki vera svo sem við á um það/pau efni, sem talið er á lista I.

Í flutningum innanlands skulu vera viðeigandi merkimiðar og varnaðarmerki á ystu umbúðum um ílát undir eiturefni, sbr. ákvæði 4. og 5. málsg. að framan, sbr. einnig ákvæði 6. og 8. málsg.

3. gr.

Ákvæði um varnaðarmerki á ílát undir eftirtalin eiturefni á lista I.

Efni	Varnaðarmerki
ARSEN og ólífræn arsensambönd (önnur en blý-, kalcíum- og zinkarsenöt)	A+D
CÝANVETNI (BLÁSÝRA)	A+D+G
CÝANSAMBÖND, er í vatnslausn klofna í cýaníðjóna	A+D
DÍKLÓRDÍMKETÝLETRÍ	A+I
DÍMETÝLSÚLFAT	A+D
DÍNÍTRÓFENÓL (2.4-dínítrófenól)	A+D
DÍNÓSEB	A+D
FLÚSSÝRA (FLÚORVETNI) og alkálí- og ammóníumsölt sýrinnar	A+D
FOSFÓR, gulur	A+D+G
FOSFÓRVETNI (FOSFÍN)	A+D+G
KVIKASILFUR	B+D
KVIKASILFURSAMBÖND, ólífræn, sbr. þó lista I í 1. gr. reglugerðar nr. 445/1978	A+D
METÝLBRÓMÍÐ (MÓNÓBRÓMMETAN)	A+I
NATRÍUM	A+G
STRYKNÍN og stryknínsölt	A+D
TETRAETÝLBLÝ	K

4. gr.

Ákvæði um varnaðarmerki á ílát undir eftirtalin eiturefni á lista II.

Efni	Varnaðarmerki
ALLÝLALKÓHÓL (PRÓPENÓL)	A+G+ I
ANTÍMONSAMBÖND, ólífræn önnur en antímonsúlfíð og litarefni	A+D
BARÍUMSÖLT, önnur en baríumsúlfat	A+D
BLÝARSENAT	K
BÓRSÝRA, óblönduð, í duftblöndum og lausnum, ef magn er umfram 20 g	F
BRÓM	A+D
DÍETÝLSÚLFAT	B+D+I
DÍKLÓREDIKSSÝRA og sölt sýrinnar í lausnum eða blöndum, ef styrkt er meira en 50% w/v	A+D
DÍKLÓRETAN (1.2.-díklóretan), ef látið er út í meira magn en 100 ml	B+G+I
DÍNÍTRÓBENZEN (meta- og para-dínítróbenzen)	A+D
HYDROXÝLAMÍN og hýdroxýlamínsölt	D+G
KADMÍUMSAMBÖND, ólífræn önnur en kadmíumsúlfíð	A+D
KALÍUM	A+G
KALÍUMKRÓMAT, KALÍUMDÍKRÓMAT	D
KALÍUMNÍTRÍT, óblandað	A+ F
KLÓRÓFORM	B+I
KRÓMTRÍOXÍÐ	A+H
LITÍUM	A+G

Efni	Varnaðarmerki
LITÍUMHÝDROXÍÐ	B+H
LITÍUMSÖLT, ólífræn	B+F
MERKÚRÍOXÍÐ	B+F
METANÓL (METÝLALKÓHÓL, TRÉSPÍRITUS)	A+G
NATRÍUMNÍTRÍT, óblandað	A+F
NÍTRÓBENZEN	A+G+I
TETRAKLÓRETÝLEN (PERKLÓRETÝLEN), ef látið er úti meira magn en 200 ml	D+I
TERTRAKLÓRMETAN (TETRAKLÓRKOLEFNI)	A+I
TRÍKLÓREDIKSSÝRA og sölt sýrinnar í lausnum eða blöndum, ef styrkt er meiri en 50% (w/v)	A+D
TRÍKLÓRETÝLEN (1,1,2-tríklóretýlen), ef látið er úti meira magn en 100 ml	E+I

5. gr.

Sérákvæði um merkingu og varðveislu eiturefna á vinnustöðum.

Framangreind efni, ein sér eða í blöndum, er heimilt að geyma í tönkum, kerjum, tunnum, brúsum eða dunkum á vinnustöðum þótt ekki séu merkt samkvæmt framansögðu. Skal þó festa á ílát þessi það varnaðarmerki (sbr. viðauka 1), er fyrst greinir í 3. eða 4. gr. að framan, aftan við heiti hlutaðeiganda efnis eða þess/þeirra efnis/efna, sem mest er af í blöndunni. Auk varnaðarmerkis þess, sem við á, skal merkja ílát greinilega heiti efnis eða þess efnis, sem mest er af í blöndunni.

Framangreind ákvæði gilda ennfremur um hvers konar lagnir, leiðslur og slöngur, er efni þessi fara um. Vinnueftirlit ríkisins getur krafist þess, að slíkar lagnir, leiðslur og slöngur séu með sérstökum lit og sérstakrar gerðar.

Eiturefni þau, er að framan greinir, skal varðveita á vinnustöðum þannig, að sem tryggilegast sé um þau búið og sem minnst hætta stafi af notkun þeirra. Vinnueftirlit ríkisins setur nánari reglur að þessu lútandi í samræmi við lög nr. 46/1980, um aðbúnað hollustuhætti og öryggi á vinnustöðum.

6. gr.

Eftirlit.

Lyfjaeftirlit ríkisins hefur eftirlit með sölu og varðveislu eiturefna í lyfjabúðum, lyfjagerðum og lyfjaheildsölum. Hollustuvernd ríkisins hefur ennfremur eftirlit með sölu og varðveislu eiturefna í öðrum fyrirtækjum, sem hafa heimild til sölu þeirra samkvæmt 5. tl. 5. gr. laga nr. 85/1968, um eiturefni og hættuleg efni.

Vinnueftirlit ríkisins hefur eftirlit með eiturefnum á vinnustöðum, sbr. 11. gr. reglugerðar nr. 455/1978, sbr. einnig 5. gr. að framan.

7. gr.

Viðurlög.

Með mál, er rísa vegna brota á reglugerð þessari, skal fara að hætti opinberra mála.

Fyrir brot gegn reglugerð þessari skal refsa með sektum, nema þyngri refsing liggja við samkvæmt lögum. Nú er brot ítrekað eða stórfellt, og getur refsing þá orðið varðhald eða fangelsi, allt að 2 árum.

8. gr.

Gildistaka.

Reglugerð þessi er sett samkvæmt heimild í 17. gr. laga um eiturefni og hættuleg efni nr. 85/1968 og öðlast gildi 1. júlí 1983.

Heilbrigðis- og tryggingamálaráðuneytið, 10. febrúar 1983.

Svavar Gestsson.

Jón Ingimarsson.

Viðauki 1.

VARNAÐARMERKI



VARNAÐARMERKI A

VARÚÐ – HÆTTULEGT
VARNAÐAR-
MERKI B
HÆTTULEGT AÐ NEYTA ÓÞYNNT

VARNAÐARMERKI C

(Rautt letur á ljósum grunni)

**MÁ EKKI GEYMA HJÁ EÐA HELLA Í
ÍLÁT, SEM NOTUÐ ERU UNDIR
MATVÆLI EÐA LYF. ANDIÐ EKKI AÐ
YÐUR INNIHALDINU, NEYTIÐ ÞESS
EKKI NÉ LÁTIÐ ÞAÐ LIGGJA Á HÚÐ.
GEYMIÐ ÞAR, SEM BÖRN NÁ EKKI TIL.**

VARNAÐARMERKI D

(Rautt letur á ljósum grunni)

**MÁ EKKI GEYMA HJÁ EÐA HELLA Í
ÍLÁT, SEM NOTUÐ ERU UNDIR
MATVÆLI EÐA LYF.
GEYMIÐ ÞAR, SEM BÖRN NÁ EKKI TIL.**

VARNAÐARMERKI E

(Rautt letur á ljósum grunni)

**VARÚÐ
GEYMIÐ ÞAR, SEM BÖRN NÁ EKKI TIL.**

VARNAÐARMERKI F

(Rautt letur á ljósum grunni)

**ELDFIMT FORÐIST ELD
OG ÓBYRGHT LJÓS**

VARNAÐARMERKI G

(Rautt letur á ljósum grunni)

**SPRENGIFIMT FORÐIST
ELDNÆM
EFNI**

VARNAÐARMERKI H

(Rautt letur á ljósum grunni)

**VARÚÐ VIÐ ALLA MEÐHÜNDLUN
ER GÓÐ LOFTRÆSTING
NAUÐSYNLEG
GEYMIÐ Á KÓLDUM STAÐ**

VARNAÐARMERKI I

(Rautt letur á ljósum grunni)

**VARÚÐ HÆTTA Á
BLÝEITRUN**

VARNAÐARMERKI K

(Rautt letur á ljósum grunni)